

Na osnovu člana 56. Zakona o organizaciji organa uprave u Federaciji Bosne i Hercegovine („Službene novine FBiH“ broj: 35/05), člana 19. Zakona o raseljenim osobama i povratnicima u Tuzlanski kanton i izbjeglicama iz Bosne i Hercegovine („Službene novine Tuzlanskog kantona“ broj: 2/06), u cilju realizacije projekta „podrška povratku na područje općina Tuzlanskog kantona i Republike Srpske, ministarstvo za obnovu, razvoj i povratak Tuzlanskog kantona objavljuje

## JAVNI OGLAS za dodjelu donacija u finansijskim sredstvima na ime održivog povratka

U cilju podrške povratku prognanih lica na području općina Tuzlanskog kantona i Republike Srpske, ministarstvo za obnovu, razvoj i povratak Tuzlanskog kantona u 2010. godini raspisuje javni oglas za dodjelu donacija u finansijskim sredstvima na ime održivog povratka.

Sredstva predviđena za projekte održivog povratka bit će raspoređena za namjenu: „Pomoć povratnicima za realizaciju samostalnog projekta u iznosu od 5.000,00 KM (slovima: pethiljada KM) po pojedincu“

U toku 2010. godine ministarstvo za obnovu, razvoj i povratak će dodijeliti 100 (sto) pojedinačnih donacija povratnicima u finansijskim sredstvima u iznosu od 5.000,00 KM.

Pojedinačne donacije u finansijskim sredstvima u iznosu od 5.000,00 KM raspoređuju se povratnicima na području slijedećih općina:

- a) Na područje Tuzlanskog kantona:**  
Ukupno 50 donacija: od čega za općinu Lukavac 10, Kalesija 5, Kladanj 5, Teočak 2, Tuzla 10, Čelić 3, Srebrenik 3, Živinice 3, Sapna 2, Banovići 2, Gračanica 2 i Gračdačac 3,
- b) Na područje Republike Srpske:**  
Ukupno 50 donacija: od čega za općinu Zvornik 8, Osmaci 3, Bratunac 5, Vlasenica 4, Srebrenica 9, Doboj 2, Ugljevik 3, Milići 2, Lopare 2, Bijeljina 8, Modriča 2 i Vukosavlje 2.

**Prijavu na Javni oglas podnosi isključivo nosilac domaćinstva, s tim da je u prijavi podnosilac prijave obavezan da naznači koji član domaćinstva će biti korisnik donacije finansijskih sredstava.**

Za izbor korisnika donacije u finansijskim sredstvima na ime održivog povratka primjenjivat će se Opći kriteriji i Posebni kriteriji utvrđeni Pravilnikom o utvrđivanju osnova, mjerila, kriterija i postupaka za odabir korisnika donacija u finansijskim sredstvima na ime održivog povratka, donesenog od strane ministarstva.

**Kriteriji za odabir korisnika donacije za održiv povratak:**

### I. OPĆI KRITERIJI

#### 1. Status povratnika – povratnik u prijeratno prebivalište

##### DOKAZ:

Potvrda nadležne službe u općini u koju se kandidat za donaciju vratio. U potvrdi mora biti naznačeno ime i prezime nosioca domaćinstva i članova njegove porodice koji su se vartili u prijeratno prebivalište. Potvrda ne smije biti starija od 30 dana od dana objavljivanja oglasa.

#### 2. Projekatna ideja

##### DOKAZ:

U kućnoj formi, kratak sažetak projektne ideje sljedećeg sadržaja: za koju namjenu se koriste sredstva, izvori finansiranja projekta (ulaganje drugih institucija, lično učešće), mogući broj angažovanih lica, da li je već započet projekat ili je samo ideja, te očekivani efekti nakon realizacije projekta.

#### 3. Izjava podnosioca

##### DOKAZ:

Da podnosilac a ni članovi njegovog domaćinstva do sada nisu primali pomoć na ime održivog povratka od strane ovog Ministarstva. Izjava mora biti ovjerena u nadležnoj službi općine povratka. Ovjerena izjava ne smije biti starija od 30 dana od dana objavljivanja oglasa.

### II. POSEBNI KRITERIJI

#### 1. Kućna lista

##### DOKAZ:

Svi podnosioci zahtjeva za pomoć na ime održivog povratka prilažu ovjerenu kućnu listu, odnosno uvjerenje o zajedničkom domaćinstvu, izdato od nadležne općinske službe u mjestu povratka (povratnici).

U kućnoj listi moraju biti navedena samo lica koja su se vratila u prijeratno prebivalište (povratnici) koja čine zajedničko domaćinstvo kandidata za donaciju. Kućna lista ne smije biti starija od 6 mjeseci od dana objavljivanja oglasa.

Porodice koje imaju djecu predškolskog uzrasta prilažu izvod iz matične knjige rođenih, a za djecu školskog uzrasta potvrdu odgovarajuće škole. Rodni list i školska potvrda ne smiju biti starije od 6 mjeseci od dana objavljivanja oglasa.

#### 2. Porodični standard

##### DOKAZ:

1) Za svakog člana porodice ako je zaposlen, penzioner ili ima primanja po bilo kom drugom osnovu potvrdu o ostvarenom primanju u protekla 3 mjeseca.

2) Za nezaposlene nosioce domaćinstva i punoljetne članove porodice dokaz od Zavoda za zapošljavanje o tome da je prijavljen na birou rada u općini povratka. Dokaz ne smije biti stariji od 30 dana od dana objavljivanja oglasa.

3) Za članove porodice koji pohađaju srednju školu ili dodiplomski studij prilaže se dokaz srednje škole odnosno fakulteta. Dokaz ne smije biti stariji od 30 dana od dana objavljivanja oglasa.

### 3. Porodice povratnika iz ranjivih kategorija sa posebnim potrebama

#### a) Ratni vojni invalidi

##### DOKAZ:

Potvrda nadležne općinske službe u čijoj se evidenciji vodi ratni vojni invalid. U potvrdi se obavezno navodi stepen (procenat) invaliditeta, koja ne smije biti starija od 30 dana od dana objavljivanja oglasa.

#### b) Šehidske porodice odnosno porodice poginulih boraca

##### DOKAZ:

Potvrda nadležne općinske službe, odnosno Službe za boračku zaštitu koja ne smije biti starija od 30 dana od dana objavljivanja oglasa.

#### c) Porodice nestalih

##### DOKAZ:

Potvrda nadležne općinske službe ili Komisije za traženje nestalih (državna ili entitetska komisija)

### 4. Godina povratka

Godina povratka porodica u prijeratno prebivalište.

##### DOKAZ:

Potvrda iz tačke 1. Općih kriterija.

### 5. Ocjena projekta

##### DOKAZ:

Projekat iz općih kriterija pod tačkom 2. Parametri projekta koji će se ocjenjivati su: izvori finansiranja projekta (ulaganje drugih institucija, lično učešće), mogući broj angažovanih lica, da li je već započet projekat ili je samo ideja, te očekivani finansijski efekti nakon realizacije projekta.

Podnosioci zahtjeva za donaciju u finansijskim sredstvima koji uz prijavu na Javni oglas ne prilože sva tražena dokumenta iz Općih kriterija neće biti uzeti u razmatranje, a prijave će biti odbačene kao nepotpune.

Izbor kandidata za donaciju na ime održivog povratka vršit će se prema redu prvenstva po zahtjevima za dodjelu donacija na osnovu izvršenog bodovanja u skladu sa općim i posebnim kriterijima, i to:

### III - NAČIN BODOVANJA

#### 1. Broj članova domaćinstva

-za svakog člana domaćinstva

**5 bodova**

#### 2. Porodični standard

-porodica bez prihoda

**10 bodova**

-prihodi isti ili ispod 50% prosjeka neto plaće u FBiH i RS za prošlu godinu

**5 bodova**

#### 3. Ranjive kategorije

-ratni vojni invalidi preko 50% invaliditeta

**5 bodova**

-ratni vojni invalidi do 50 % invaliditeta

**2 bodova**

-šehidske porodice odnosno porodice poginulih boraca

**6 bodova**

-porodice nestalih lica

**5 bodova**

#### 4. Godine povratka

-do 1 godine

**1 bod**

-od 1 do 2 godine

**2 boda**

-od 2 do 3 godine

**3 boda**

-od 3 do 4 godine

**4 boda**

-od 4 i više godina

**5 bodova**

#### 5. Ocjena projekta

- drugi sufinansijeri

**2 boda**

- lično učešće

**3 boda**

- broj angažovanih-za svako lice po

**1 bod**

- projekat započet

**2 boda**

- ocjena očekivanog finansijskog efekta projekta

**1 – 5 bodova**

Oglas ostaje otvoren 30 dana od dana objavljivanja u dnevnim novima „Tuzlanski list“ i na oglasnoj tabli Vlade Tuzlanskog kantona. Prijave koje stignu nakon utvrđenog roka neće biti razmatrane.

Rezultati bodovanja i imena dobitnika donacije objavit će se u dnevnim novinama i web stranici Vlade Tuzlanskog kantona [www.vlada.tk.kim.ba](http://www.vlada.tk.kim.ba), oglasnoj tabli Vlade Tuzlanskog kantona, nadležnih službi općina.

Prijave sa odgovarajućom dokumentacijom mogu podnijeti povratnici u prijeratno prebivalište na području općina Tuzlanskog kantona i Republike Srpske neposredno ili poštom preporučenom pošiljkom na adresu:Ministarstvo za obnovu, razvoj i povratak Tuzlanskog kantona, ulica Slatina 2, 75000 Tuzla, sa naznakom „ZA JAVNI OGLAS ZA DODJELU DONACIJA U FINANSIJSKIM SREDSTVIMA NA IME ODRŽIVOG POVRATKA“. Podnosilac prijave je u prijavi obavezan navesti tačnu adresu stanovanja i kontakt telefone.

Sve informacije se mogu dobiti na kontakt telefon:035/288-953, lokal 23. i 24., ili neposredno u kancelariji br. 83 IX sprat.